

477. 4

BIBLIOTHECA NAZIONALE  
ROMA  
VITTORIO EMANUELE

# EPISTOLA MARTINI DE SWAEN,

THEOLOGI LOVANIENSIS

A D

DIDACUM (*uti se vocat*) DE OROPEGA

S I V E

*Resolutio brevis difficultatum, &c.*



Paucis te convenio, mi Didace, non persuasibilibus humanæ sapientiæ verbis, non puerilibus trivialium Scholarum exclamationibus, admirationibus, superfluis interrogationibus, quibus litteræ, libelliq; tui regurgitant, non denique alienæ personæ simulationibus, temerariis accusationibus, falsitatibus, sed simplicis, nudæque veritatis scuto circumdatus. Paucis inquam, te convenio, mi Didace, *ne beras* (uti scribis) *melioribus studiis debitas*, infundaris, falsisque tuis criminationibus refellendis inutiliter impendam.

Resolutionem itaque à me deposcis difficultatum nuper à te propositarum. Eam tibi brevem.

Difficultates illæ triplicis potissimum sunt generis. Primum jus, sive doctrinam, secundum, factum aliquod, seu verbum potius ab Eruditissimo D. Melis (uti tu quidem narras) imprudenter, aut animosius prolatum. Denique tertium concernit personas Approbatorum Epistolæ meæ Illustrissimo Archi-episcopo Sebasteno nuper inscriptæ.

Singulas ordine, maturèque trutinemus, exordium sumentes à prima.

Circa primum, id est, circa doctrinam meam ais te non intelligere, quî sententia mea circa materiam de Gratia & Libero arbitrio eadem non sit cum illa, quam SS. PP. Innocent. X. & Alexand. VII. per suas constitutiones damnavère. Quin & alibi apertè asseris eandem esse doctrinam meam cum damnata ab illis Pontificibus. Quamobrem & iis me annumeratum voluisti, de quibus puerili hoc epiphonemate insultas: *Equidem Jansenistas eos esse inficiari nequeo, ut velim maxime; adeo mihi vim infero, ut vel de adversariis meis sentiam quam optimè.* Sed unde, amabo, mi Pater, hæc tam sinistra de me opinio? Ex quibus Thesibus? Ex quibus Lectionibus? Ex quibus Dictatis? Ex quibus, iisque quam plurimis Concionibus? Denique ex quibus familiaribus meis colloquiis Doctrina hæc damnata est desumpta? Utique ex nullis, hucusque saltem allatis, & (ut fidenter assero) nunquam allegandis.

Paucis, quænam hæc doctrina, quam à me teneri & à SS. PP. damnatam asseris? An fortè quod doceam gratiam per se efficacem, eamque cum Thomistis vo-

cem & esse censam physicam præmotionem? An, quod illam ad singulas actiones undequique bonas requiram? An quod veras admittam Christi gratias, quibus verè & actualiter resistatur? An quia præter gratias sufficientes, ad *posse* quoddam propinquum, requiram insuper gratiam à se, vel ex Deo ipso efficacem, quæ mediante illud *posse* reducat in actum, sive quæ mediante bene homo *oppor-*  
*tet*? An quod doceam gratiam semper habere eum effectum, ad quem obtinendum absolutâ voluntate Dei datur? Denique, an quia in libero arbitrio sub gratiâ per se efficaci constituto Libertatem admitto, quæ includat hæc tria; indifferentiam scilicet objectivam Judicii ex parte intellectus, & duo ex parte voluntatis, nempe immunitatem à coactione, & à necessaria determinatione ad unum? Sive, ut verbis Gonetii utar, (spontaneitatem, & simul actualem voluntatis indifferentiam, seu potentiam ad oppositum?

Scio equidem hæc ferè omnia à to doctrinis Jansenii esse annumerata in difficultatibus tuis; sed quomodo ea à Pontificibus Innoc. X. & Alexand. VII. damnata esse evinces, cum nihil sit certius, quam eam esse ipsissimam Scholæ S. Thomæ doctrinam, cujus Professores tu ipse *probat*, & *Religiõe Catholicos* vocas; quorumque doctrinam planè intactam se reliquisse Innocentius X. verbis formalibus contestatus est?

Undè igitur difficultates, mi Pater, quas tibi fabricasti circa doctrinam meam in materia de gratiâ & libero arbitrio in Epistolâ mea expressam? Dicam, quod res est. Noluisti credere à me hac in parte teneri, id quod verè me tenere simpliciter asserui, e contra voluisti credere à me teneri, quod eadem simplicitate à me non teneri profiteor. Noluisti, inquam, credere, me circa doctrinam de gratiâ & libero arbitrio, hoc in statu naturæ lapsæ eadem planè sentire cum Schola Thomistica, quod tamen professus sum, & non uno argumento facillè demonstraverò: credidisti verò e contra me per omnia eadem in materiâ concinere Jansenio, quod plaude nego.

Ex hoc igitur processit concepto semel præjudicio *Systhema* illud gratiæ per se efficacis, quod mihi attribuis, & pag. 14. & 15. exprimis in hæc verba:

„Homo juxta te graviâ efficaci destitutus, privatus originali justitia, concupiscentiæ pondere in peccatum trahente, nisi major cælestis delectatio accesserit, vires præbente concupiscentiâ fortiores, subcumbat necesse est. Et contra si in-  
„de liberata gratiæ delectatio, vel unico gradu delectatione indeliberatâ concupiscentiæ sit intensior, infallibiliter & necessariò concupiscentia vincitur, homo  
„rapitur ad cælestia, juxta illud Augustini à Jansenio, & vobis perperam intellectu-  
„m, quod magis delectat, secundum id operemur, necesse est.

„Hinc manifestæ fallitatis convincitur, quod ais pag. 2. tuam gratiam esse eandem cum physicâ Thomistarum prædeterminatione, quæ fit, ut homo ad suam  
„actionem infallibiliter se determinet, non ex necessitate, sed juxta suum proprium modum omnimoda libertatis. Verba quidem hæc sunt Thomistarum, sed non nisi fallaciter, ut ostendi, & sensu prorsus alieno à te usurpata. Ubi enim delectatio  
„gratiæ major est, cum hæc præstet robur, seu vires animæ, quæ verè se tenent ex parte actus primi, neque possit cum tali delectatione indeliberatâ, seu gratiæ  
„adutorio in his circumstantiis componi actus omisso, adeoque sequatur actus

, necessariò, non potest non esse necessitas antecedens, quod in sententia Thomi-  
, statim facilius evitatur.

Intelligo secundum te, mi Pater, in eo situs est potissimum meus circa gratiam  
efficacem error, 1. quod gratiam illam constituam in indeliberatà ejusdem delecta-  
tione, ex qua actus sequatur necessariò. 2. Quod proinde admittere cogar in libero  
arbitrio sub gratia per se efficaci constituto necessitatem antecedentem, quæ veram  
destruat libertatem. Denique 3. quod malè intelligam illud S. Augustini : *Quod  
magis delectat, secundum id operemur, necesse est.*

Ast, quam bellè hic confirmas, mi Pater, quod paulò supra memoravi, videli-  
cet, quod credas à me teneri, quod non teneo !

Siquidem asseris, me gratiam à se efficacem constituere in indeliberatà gratiæ  
delectatione, quæ homo rapitur ad cælestia, quæque actum producit necessitate an-  
tecedente ; id quod ego nullus doceo, aut teneo.

E contra verò negas me tenere, quod tamen verè teneo ; videlicet Physicam  
illam prædeterminationem, quam ex Thomæ Lemos Panoplia, lib. 4. part. 2.  
tract. 4. c. 12. descriptam epistolæ meæ inserueram, & quæ sit, juxta PP. Præ-  
dicatores & Carmelitas Disceatòs sò ipsorum respectivè comitiis Provinciali-  
bus Annis 1668. & 1685. celebratis, quæ sit, inquam, ut homo ad suam actionem  
infallibiliter se determinet, non ex necessitate, sed juxta suum proprium modum omnimoda  
Libertatis.

Mirarer equidem, mi Pater, si mirum videretur cuipiam, toties te ita, uti jam  
dictum est, animo compositum, Expositionem doctrinæ meæ in Epistola ad Illust.  
Arch-Ep. Sebastenum, candidissimè & manifestissimè delineatam, fraudis, dis-  
simulationis æquivocationis, & si quid aliud est his simile, referam non semel  
proclamasse.

Sic, Verbi Causà, mirati nemini subit, quod Orthodoxi tempore Constantii Im-  
peratoris Fidei expositiones ab Arianis concinnatas, & errorem circa Christi Divi-  
nitatem Orthodoxæ Fidei è diametro repugnantem, ab iisque nunquam retracta-  
rum continentes, de æquivocationibus aliisque dolis suspectas habuerint.

Similiter mirabitur nemo, si sub verbis Prætense-Reformatorum, fidem ipso-  
rum circa mysterium Euchariæstie exprimentibus, modosque loquendi, quibus  
utuntur Catholici circa idem mysterium, concinnissimè licet imitantibus, errorem  
Calvini delitescere sufficentur, atque ad illum cuncta ipsorum dicta detorqueant,  
donec aliundè constet ipsos à præfato illo errore recessisse.

Verùm nihil hæc in rem tuam, mi Pater, utpotè, qui nullam hæresim meam  
nostri, ad quam Doctrinæ meæ sincerissimam expositionem Epistolæ sæpius me-  
moratæ insertam detorqueres.

Nam quod de tuà illà delectatione gratiæ indeliberatà me mihique affin-  
gere pag. 14. & 15. voluisti, mirum ! quam hoc parum te fuscatum tuà in ac-  
cusatione demonstret. Saltem in te tam momentosà, utpotè in qua summa rei, sive  
erroris mei juxta te consistebat, locum aliquem vel Epistolæ, vel Thesium, vel  
concionum, vel prælectionum mearum à te, qui tam exactè Janlenium citare  
nostri, opportuerat assignari, in quo errorem illum adeò tibi invisum directè, vel  
ut minimum indirectè tradidisses.

Quid igitur iudicaturos putes, mi Pater, lectores huiuscæ Epistolæ, ubi non tantum intelligent, nullum ea te vel ex scriptis, vel ex dictis meis stabiliendæ assertioni tuæ locum adduci; imò (quod securè affirmo) nec impostertum adduci posse, verum contradictorium potius istius à me publicis in Thesibus jam dudum traditum esse, utpote in quibus professus sum, nullatenus me gratiam per se efficacem in delectatione indeliberatà collocare?

Sed fortè, quia cum adamato tuo Cranebergio me Pseudo-Augustini discipulis annumerare placuit, voluisti, non alia me ex libro Janseii sensa haurire potuisse, quam quæ tu illi propria esse arbitraris?

Concidat igitur necesse est infundata tua hæc suspicio, ac proinde superextructa eidem circa doctrinam de gratia efficaci à te superius mihi imputatam accusatio, si asseram, probemque, me hætenus ne vel ullum Janseii librum de gratia Christi Salvatoris legisse; imò nec hodie, me authorem illum legere, aut mentem habere illum brevi legendi, nisi vel superioris mandatum, vel rerum, temporumvè circumstantiæ aliud exigere visa fuerint.

Et ne hic subterfugia à me quæri denuò jactites, assero sincerè, citraque omnem mentis restrictionem (à qua Schola Lovaniensis abhorret) me exceptà historià Janseii de Hæresi Pelagianà, ne vel unum librum ejusdem Authoris circa præsentem Controversiam legisse.

At quid si libros Janseii de gratiâ Christi Salvatoris studiosissimè legissem? Quid, si sententias ipsius exactè ad normam doctrinæ Scholarum Lovaniensis, Thomisticæ, Augustinianæ, aliarumque Catholicarum examinasset, num idè integrum tibi foret concludere, in omnibus me Janzenio concinere? Minimè. Nisi fortè te ipsum Janzenio per omnia consentire censes, velis, qui tam exactè ipsius scrutatorem te venditas, vel temerarius videri, qui nimis leviter credidisti, ea ab Authore illo tradi, quæ licet non lecta, à te & ab aliis illi imputantur.

Ad me quod attinet: jam pridem declaravi nihil à me in authore illo, quem (uti jam dixi) numquam legi, vel probatum esse umquam, vel probari, quod Ecclesia & Pontifices in eo non probant. Ad sunt nobis SS. Aug. & Thomas, adsunt fideles eorum interpretes Estius, Sylvius, Alvarez, Lemos, Gonetius; adsunt censuræ tum hujus, tum Duacensis Academiæ; adsunt denique Scholæ Augustinianæ, Thomisticæ, Norbertinæ, Carmelitarum Discalceatorum aliæque, è quibus abundè doceamur, doctrinam de gratiæ per se efficaci, qualis illa in Scholis Lovaniensi, Thomistica, Augustiniana, &c. traditur, inter dogmata *tuta atque inconcussa SS. Augustini & Thomæ connumerari posse.*

Ad te igitur, à quo non nihil diverteram, redeo, mi Pater, & si fortè post præmissa etiamnum opus sit, ut asseram difficultates tuas omnes, quas à me resolutas voluisti, nonnisi inioso confidere fundamento, id est nonnisi falsæ huic inniti tuæ opinioni, existimasti aliam à me tradi circa gratiam & Liberum arbitrium, doctrinam quam reipsa tenere me profiteor. brevi hic iterum dico.

I. Falsum esse, aut doctrinam communem Scholæ Thomisticæ circa materiam de gratia & Libero arbitrio in Epistola mea ad Illust. Præfatum non rectè à me fuisse expressam, aut alienum à Schola ista sensum verbis Epistolæ istius me subjecisse.

II. Falsum esse, me tenere Systhema illud gratiæ efficaci, quod & tibi fabricare,

& mihi paginā 15. libelli tui affingere placuit. Quo interum everſo corruit totum penē tantum quantum eſt difficultatum, hæreſeſq; mihi oppoſitarum ædificium.  
III. Falfum eſſe, aliam à me teneri pro hoc ſtatu gratiam per ſe efficaciẽ, ſive phyſicam præmotionem, quam qualis à Thomiſtis communiter tenetur.

IV. Falfum eſſe, aliam à me ſuſtineri vel gratiam inefficacẽ, excitantem, ſive ſufficientem, aut aliam ſub gratia efficaci me tueri libertatem, quam qualis in Scholis S. Thomæ communiter docetur.

V. Falfum eſſe, quod non ſuſtineam pro omniſibus mortuum eſſe Chriſtum, vel non eo ſenſu pro illis mortuum ipſum eſſe, quo Schola Thomiſtica communiter illud docet.

VI. Falfum eſſe quod à te in tuis difficultatibus oſtenſum ſit ullam à me tradi doctrinam, quæ per Conſtitutiones SS. PP. Innoc. X. & Alex. VII. damnata ſit.

VII. Falfum eſſe, me umquam ſuſtinuiſſe quod ex Conſtitutionibus prædictis ritè intellectis, inferri poſſit, doctrinam de gratia & Libero arbitrio, prout illa in Scholis Lovanięſi, aliſq; ſuprà memoratis traditur, ab Eccleſia Romana damnatam eſſe.

VIII. Verum tamen eſſe, quod ſuſtineam ex iſdem SS. PP. Conſtitutionibus ſiniſtrè intellectis, non Acatolicos dumtaxat, ſed & ex Catholicis non-nullos perperam intuliſſe, doctrinam de gratia per ſe efficaci à S. Sede fuiſſe reprobata.

IX. Denique verum eſſe, quod aliquando aſſeruerim, *periculum ſubeſſe non infundatum*, ne quiſpiā è Societate Profeſſor qui ſuſtinebat gratiam per ſe efficacẽ eandem eſſe cum gratia neceſſitante, eamque proinde à PP. Trid. fuiſſe proſcriptam, aliquando inferret gratiam per ſe efficacẽ per conſtitutiones Ponũficias eſſe coudemnatam.

Quis enim non videat quam facilè cuiſpiam, hiſce principiis imbuto, hæc ſimiliſve elabatur ratiocinatio.

Per Concilii Trid. Decretũ, nec non per conſtitutiones SS. PP. Innoc. X. & Alexand. VII. damnata eſt omnis gratia neceſſitans, ſed gratia per ſe efficaci, qualis eſt ex. C. gratia, quam tuetur Eximius Antagoniſta meus eſt gratia neceſſitans, ergo per Conc. Trid. decreta nec non per Conſtitutiones SS. PP. Innoc. X. & Alex. VII. damnata eſt gratia per ſe efficaci, qualis eſt ea, quam tuetur Eximius Antagoniſta meus.

Idem planè periculum, neque alteri, gratiæ, quam gratiæ per ſe efficaci me tuebatur mecum Gonetus ab iis, qui malè dictas conſtitutiones intelligerent. Apol. art. 1.

Aliqui nuper, inquit, ut ſemper tempus novum aliquid parturit, dicere ceperunt, *Janſenium à Calvino remotiſſimum eſſe* (hoc autem P. Anatus jam pridem apertè negavit) forſitan ut viam ſibi parent ad aliquid gravius, & quod longo tempore & arte eger, ut **ALIQUANDO** palam aſſeratur ſolam in Janſenio gratiam per ſe efficaciẽ damnatam fuiſſe.

Atque hæc interim, neque alia fuit animi mei ſententia, quam tum, tu, tum neceſſarii tui, tam in Theſibus, quam in libellis toties jam vellicandam, proſcindendamque cenſuiſtis, quæque aſſerui, *periculum ſubeſſe non infundatum*, ne Profeſſor ille, contra quem tum diſſertabam, **ALIQUANDO** inferret ex Conſtitutionibus

tionibus SS. PP. Inuocentii X. & Alexandri VII. damnatam esse gratiam per se efficacem.

Quod si ite isthæc omnia sufficere tibi videantur, ut æquitatem assertionis meæ manifestam tibi faciant; duorum hîc Scriptorum verba in medium afferam, qui quod ego & Gonetus metuere nos tantum diximus, reipsa à se præstitum demonstrarunt.

Prior illorum est P. honoratus Fabri in Apologetico doctrinæ moralis Societatis tom. 1. in præfatione.

*Dico, ait, eandem esse gratiam efficacem Prædeterminantium, Jansenii, & Calvinii.*

Posterior est P. du Bosc, in libro cui titulus, *La deconuerte d'une nouvelle Herésie*, qui detectâ fronte sustinuit doctrinam de gratia per se efficaci, qualiter ea à Thomistis traditur, hæreticus damnatam esse ab Innocentio X. & Alexandro VII. Atque exhinc ortum, ut efficacius sibi visus sit probare non posse, Defensores Jansenii Hæreticos esse manifestos, quam quia doctrinam aut sensum Jansenii esse dicerent gratiam per se efficacem, qualiter illa docetur in Scholis S. Thomæ:

*Il faut considerer, inquit, que de puis qu'ils ont déclaré, que par les sens de Jansenius, ils entendent la doctrine de la grace efficace par elle même, telle que les Thomistes l'enseignent, ce n'est plus un Herésie indirecte, mais directe, ce n'est plus nier le Droit en niant le fait avec detour, c'est nier le Droit directement & à decouuvert; c'est resister en face à la decision de l'Eglise; c'est dire qu'on tiennne pour Catholique la même doctrine que l'Eglise a déclaré Heretique.*

Cum igitur Professor ille sustineret variis in Thesium suarum locis; 1. quod omnis, qui statuit gratiam supernaturalem efficacem intrinsecè, explicare illa verba Conc. Trid. non possit: videlicet libe um arbitrium à Deo motum & excitatum potest dissentire si velit: cum sine ulla limitatione sustineret, quod PP. Trid. definierint aduersus gratiam per se efficacem: cum ibidem defenderet hanc propositionem: PP. Trid. non modo non fauerunt gratia per se efficaci: sed aduersati sunt: cum sustineret non cum Ecclesia Romana, & cum Augustino sentire, sed cum Calvino, eos qui tenent gratiam per se efficacem intrinsecè. Uno verbo, cum doceret gratiam per se efficacem intrinsecè à se confundi eunt gratia necessitante; quid, amabo, in eo offensiuus seu scandalus fuit quod aliquando asseruerim periculum subesse non infundatum, ne Professor ille ex Constitutionibus SS. PP. Innoc. X. & Alexan. VII. minùs rectè intellectis aliquando inferret gratiam per se efficacem, atque adeò & meam, quam in Epistolâ priori & præsentî exposui, damnatam esse? An non idem subueritus est periculum Gonetus Apolog. Thomist. Articulo 8. dum scripsit: *liberius interdum aliqui familiaribus, aut earum partium studio conjunctis insusurrant, Thomistas in eotem luto cum Jansenio barere, at majori arte aut dolo alii, cum toto impetu, totisque viribus in Jansenium ferri simulant, & videri volunt, obliquè, & per ejus latus Thomistas petunt & sibi viam parant, ut quod diu animo meditantur, aliquando palam faciant, & fidem non agrè reperiant, cujus periculum toties fecerunt, Thomistas à Jansenii sententiâ nec quantum latus unguis est in diuersum abire.*

An non ejusdem cum scriptoribus illis duobus fuisse mentis merito eos asseram, qui in famoso illo memoriali Hispanico Patres Augustinianos, Dominicanos, Carmelitas Discalceatos, Canonicos Præmonstratenses, Capucinos, cum Presby-

teris Oratorii; Janfenismi infimulare non sunt ycti? Perquam enim manifestum est, nihil in Viris istis Religiosis reprehendi præter doctrinam de gratia per se efficaci ab illis potuisse, ob quod apud Regiam suam Majestatem suspecti redderentur.

Liquet ex his omnibus vehementer deceptum te fuisse, mi Didace, dum me damnatæ à SS. PP. Innoc. X. & Alex. VII. doctrinæ reum agere & inseparabilem Janfenii discipulum proclamare voluisti.

Egregium enim verò me Janfenii discipulum, utpote qui doctrinam Janfenii, in qua tu præcipuus erroris ejus partes collocas, doctrinam, inquam, de *indelibetata gratia delectatione* nec tenui umquam, nec teneo. Qui doctrinam, quam le non tenere profitetur Janfenius videlicet doctrinam de physica prædeterminatione, profiteor; qui authoris illius libros, circa quos præsens controversia potissimum versatur, numquam legi; Qui numquam vel verbo vel scripto adversus Religiosam observantiam quæ Constitutionibus Innoc. X. & Alexan. VII., quidquam commisi, qui profiteor quod articulos omnes in materia de gratia damnatos, eodem planè modo sensuque damnem ac reprober, quo universa Schola Thomistica eos damnat ac reprobatur.

Hæc si ita se habent (uti reverà se habent) Quorsum, amabo, Difficultates tuæ omnes, quas propositas mihi voluisti? Quorsum exprobrationes, irrisiones, & impropria, quæ adversum me meique similes effudisti (de intentione tuâ nolim judicare) nisi ut schismata in Ecclesiæ gremio vel suscitentur, vel foveantur? Nisi ut subditi contra Superiores obmuturando insurgant? Nisi ut sententia de gratia per se efficaci, quam præcipuè Academiæ, Religiosæque familiæ tamquam *claræ & inconcussæ SS. Aug. & Thome doctrinam*, alii manifestam S. Augustini, aut evidenter Augustinianam appellant sententiam, penitus offussetur, & tamquam proscripta tradatur? Nisi ut Ecclesiastica disciplina, quæ per assertores gratiæ per se efficaci, Deo sermones eorû confirmante, non parum enervetur, dum fideles obaudiunt Pastores suos tanquam suspectæ fidei idque à com-Presbyteris debuccinari? Nisi ut parentes ad Academiam Lovaniensem prædictæ gratiæ per se efficaci hætenus propugnatricem impeterritam filios suos transmittere ultra non audeant? Denique (quod me ingenti dolore afficit) nisi ut hæc viâ, pax unitatque Sacerdotalis, quæ Clerum inter & Patres Societatis vigere in missione nostrâ Bitavo-Catholicâ deberet, penitus turbetur, auferaturque. Præsertim dum præcedentibus superadditur duplex illa calumnia, de qua pauid infra, quâ primum me & Eruditissimum D. Melis infimulasti, conspirationis adversus Patres Societatis initæ; deinde dixisse D. Melis asseruisti: *si Jesuita Libelli (confutationis nempe tuæ) Auctor sit, perficiam, ut Jesuita omnes eliminentur totâ missione Hollandica.*

Hoc solum expendere hic te velim, Didace, quot horis melioribus studiis debitis? Quot laboribus? Quot impensis, in concipiendis, in conscribendis, in imprimendis, in corrigendis, in distrahendis difficultatibus à te mihi propositis parcere potuisses, si modò unius horulæ spatium familiari colloquio, amicæque cuiuspiam visitationi (nam longo nos locorum intervallo ab invicem sejungi non arbitror) indulgere placuisset.

Siquidem præterquam quod eadem (si non majori) humanitate in visceribus Jesu Christi, amplexus te fuisset, quam quâ nuper R. P. Jacobum de la Fontaine,

stiparum

hipatum R. P. Isaac de Bruyn prope Collegium PP. Societatis salutavi, uti rectè in limine difficultatum tuarum meministi; sed ingenue insuper falsum fuisse, eadem illa omnia à me vel teneri vel non teneri, quæ superius professus sum à me teneri vel non teneri. Ex quo manifestè sequitur difficultatibus tuis conscribenda mentis superfluum te potuisse, saltem ad eam partem quod attinet, in qua doctrinam meam sanam, verèque Catholicam erroris Hæresisque infundere insinuatam voluisti.

Quin & ejusdem omnino mentis fuisse, quam in Epistola Illustrissimo Sebastiano inscripta exposui, videlicet, paratum me exhibere, ad quodcumque legitimum tribunal præcuntum te sequi, ibidemque ostendere, nullum esse fidei dogma, quod Ecclesiæ fidelibus credendum proponit, nullum quoque, esse, quod illa rejicit, quin & ego illud illi cum reverentia verbo Dei debita recipiam, vel rejiciam. Denique promptum me esse, ad ea omnia, explicitè fide credenda, quæ hodieum inter Catholicos (alvè fide dicebantur, eo ipso quo constituitur illa tamquam divinè fide credenda ab Ecclesiâ proponi; Atque adeo-optimo jure mihi hæcenus licuisset cum primævis Christiolicis asserere.

*Christiani est nomen meum, Catholicis cognomen.*

Superest modo ut de secundo difficultatum tuarum genere pauca quædam hic subnectamus, sive ut, si fortè post nuperam Apologiam apud cordatos adhuc opus sit falsam, quam adversus me & D. Melis divulgasti criminationem, efficaciter hic deinde repellam.

Status igitur controversiæ inter nos constitit potissimum in duobus. Horum primum est, an nos ambo, id est D. Melis & ego conspiraverimus in perniciem tuam & Patrum Societatis, si fortè tu, una & Jesuita, & author fores *Confessionis libelli Avenani &c.* alterum est, an in Congressu nostro cum D. Du Bois, Dominus Melis ira graviore conceptus in hæc illisè sumilia verba erupuit: *Si Jesuita libelli author sit, periculum, ut Jesuita omnes stimuletur tota missione Hollandicâ.*

Primum in priori tuâ ad nos datâ Epistola sustinui; verum posteaquam in mea ad Illustrissimum Sebastianum secutus asseruissim, *falsum esse, quod vel anti, vel n, vel post congressum cum D. du Bois, aliam adversus PP. Societatis inimicam conspirationem*, nullâ tibi factâ mentione in difficultatibus tuis aut Epistola ad Illustrissimum Sebastianum, veluti temerariæ criminationis mihi impactæ totius oblitus, ad solum D. Melis tum in difficultatibus tuis, tum in Epistola ad Illustrissimum Sebastianum, te convicisti, & obfirmata temeritate rursum renovas scilicet illas minas, quas à D. Melis tibi, tuisque Sociis, casu quo & Jesuita & Author fores libellum memorati, imeniatas nuper divulgasti.

Sustinere ergo erratum audes in scriptis tuis illis posterioribus D. Melis prædictis in te & Patres Societatis, si Jesuita tu & Author es *Confessionis* fuisse elocutum, vel saltem te hoc asserendo me vel unquam eamhujus temerariæ (ut tibi scribis) incurrisse.

Memor-ne es, mi Didace, quando hæc à te scripta fuêre? tum scilicet, cum ignotum tibi minime fuit, 1. non nisi unico Autore & teste accusationem hanc coram universo mundo te instituisse. 2. Cum scires, paratum esse utrumque nostrum iurejurando affirmare, nunquam illud, aut ei æquivalens à D. Melis fuisse prolatum. 3. Cum scires D. du Bois oblato huic nostro iurejurando acquiescisse. 4. Cum scires falsum illud esse, quod fieri poterit plus aliqd à se fuisse intellectum, quam dictum à D. Melis; 5. Cum scires D. du Bois in Epistola ad D. Melis data scriptis, quod cum D. Melis, graviter conquireretur de injuriâ fidei, aliisque Hollandicâ illatâ, *ideo ipse verba ejus se apprehendisset, quasi præstant minas expulsiônis Patrum Societatis & missionis Hollandicæ, casu quo &c.* quæ omnia hæsitans dubitavitque, nequaquam rectè interpretabilis, omnique exceptione majoris sunt indicia; 6. Cum scires illicitum esse, oculum proximi crimen divulgare, sub unius præsertim ejusque vacillantis, dubitantisque testimonio. 7. Cum ejus esses memris (ut nobis significare nuper inscriptus tuus voluisti) ut nullius occulum crimen manifestare ausus, nisi præ habita ipse prius Recti licentiâ, saltem interpretatâ; denique cum scires hanc tibi licentiâ à D. Melis nequaquam esse concessam.

His omnibus interim nihil obstantibus in noceis tuis difficultatibus pag. 51. loqui præsumis in hæc verba: *an vobis potius in propria causâ credendum sit, quam A. D. Du Bois nihil ad me.*

Ita-nè, mi Didace, nihil ad te, quod accusationem atrocem in libello publico contrâ Sacerdotem fide ac moribus integrum, ex ore unius, quem fateris habere te solum, divulgaveris?

Nihil-nè tuâ interest, si fortè testis tuus, qui iustus D. Melis querelas sit intellexit, ut putaret esse verba *quasi præstant minas expulsiônis Patrum Societatis & missionis Hollandicæ*, male illas intellexit & tu hoc falso-nixa testimonio, temerariam interim hanc contrâ D. Melis criminationem quaquavèrsum, veluti certam & indubitatam mundo obtrudere præsumpsisti?

Nihil-nè tuâ interest, quod videri velis, nullius crimen oculum prodere, nisi habitâ prius Recti licentiâ saltem interpretatâ, & nihilominus Dominio Melis minas illas atroces (licet confictas) expulsiônis Patrum Societatis & missionis Hollandicæ, quas ferè Oasis perfidix pares, & hæreticorum perfidia peiores nuperus ille & Ritus S. Aug. discipulus deubocnavit, mundo venditare non erubuit? Vendum de his forte laus recum Dominus Melis, ubi coram legitimo & competente Judice, quem te minime jactas formidare vel sponte, vel fortè injuriis comparueris.

Cave interim, ne ridiculum illud tuum effugium de Lagena à D. Du Bois nobis propinatâ in tui defensionem eo deducas. Verba *veritati & sobrietati*, mi Didace, locuti sumus. Nam ad me quod attinet, unum, illudque exiguum viri vitrum bibisse me scio, plura bibisse non scio; D. Melis duo aut ad summum tria, ut sumptis recolli; atque adeo si verum est (ut pueriliter oggeris) Lagenam, quæ non ante, sed post inchoatas D. Melis querelas iusta esse offerri, fuisse exhaustam, necesse est potiorè longè partem Domino Du Bois cecidisse, ac proinde ipsius potius, quam testimonium nostrum vacillare ea ex parte cecideri debet.

Ah, qui Lectorem nugis istis, fabulicis confictis ultra hic distineo?

Enim itaque, & circa tertium difficultatum tuarum, personas approbatorum Epistolæ meæ concernentium genus, aliud impræsentiarum non dicam, quam etiam illos habere, in qua, ubi innoveris, indicare queant, num aliquod petulantes tui adversus ipsos mox difficultates, responsum mereantur.

Hoc interim confido, neminem illorum fore, quin visâ perbrevis hæc difficultatum te, & circa doctrinam meam objectarum resolutione, libenter denuntiandum tibi cuset, quod unus ex istis significari per me tibi voluit, videlicet te rectè priorem meam Epistolam approbasse, eandem deusè se approbare, atque in finem usque approbaturum, donec aliter 6. Sedes definierit. Vale, mi Didace, semper memor binæ hujus sententiæ apud S. Greg. : *Si credi habilitat consensu despicitur, eundem in dubium Fidei adducitur. L. 5. ep. 15. Veritas consensu non creditur, non est hæresis purgare, sed facere. Ib. ep. 16.*

Imprim. J. D. CUYPER L. C. 16. Jan. 1692.



ripatum R. P. Isaac de Bruyn prope Collegium PP. Societatis salutavi, uti residi in limine difficultatum tuarum meministi; sed ingenue insuper falsus fuissim, eadem illa omnia à me vel teneri vel non teneri, quae superius propositum sum à me teneri vel non teneri. Ex quo manifestè sequitur difficultatibus tuis confidenda merito superfedere te potuisse, saltem ad eam partem quod attinet, in qua doctrinam meam sanam, verèque Catholicam erroris Haezeseosque infundatè infirmulatam voluisti.

Quin & ejusdem omnino mentis fuissim, quam in Epistola Illustrissimo Sebastiano inscripta exposui, videret, paratum me exhibere, ad quodcumque legitimum tribunal praerentem te sequi, eisdemque ostendere, nullum esse fidei dogma, quod Ecclesiae fidelibus credendum proponit, nullum quoque, esse, quod illa rejicit, quin & ego illud filiali cum reverentia verbo Dei debita recipiam, vel rejiciam. Denique promptum me esse, ad ea omnia, explicitè fide credenda, quae hodieum inter Catholicos salvè fide dicebantur, eo ipso quo constitit illa tamquam divina fide credenda ab Ecclesia proponi; Atque adeo-optimo jure mihi hactenus licuisse cum primævis Christiolicis asserere.

*Christiani est nomen meum, Catholici regnomen.*

Superest modo ut de secundo difficultatum tuarum genere pauca quaedam hic subnectamus, sive ut, si forte post nuperam Apologiam apud cordatos adhuc opus sit) falsam, quam adversus me & D. Melis divulgasti criminationem, efficaciter hic denudè repellam.

Status igitur controversiae inter nos constitit potissimum in duobus. Horum primum est, an nos ambo, id est D. Melis & ego conspiraverimus in perniciem tuam & Patrum Societatis, si forte tu, una & Jesuita, & author fore *Confutationis libelli Anonymi &c.* alterum est, an in Congressu nostro cum D. Du Bois, Dominus Melis ira graviore correptus in hac tæve familia verba erupuit: *Si Jesuita istellus author sit, persequam, ut Jesuita omnes eliminarentur tota missione Hollandica.*

Primum in priori tua ad nos data Epistola sustinui; verum posteaquam tu mea ad Illustrissimum Sebastianum securus assensuissim, *falsum esse, quod vel ante, vel nunc, vel post congressum cum D. Du Bois, illam adversus P.P. Societatis insursum confutationem*, nullà mei factà mentione in difficultatibus tuis aut Epistola ad Illustrissimum Sebastianum, veluti, temerariè criminationalis mihi impactæ torus oblitus, ad solum D. Melia tum in difficultatibus tuis, tum in Epistola ad Illustrissimum Sebastianum, te convertitis, & obfirmata temeritate rursus renovas fidelitas illas minas, quas à D. Melis tibi, tuisque Sociis, casu quo & Jesuita & Author fores libellum memorati, inenitatas nuper divulgasti.

Sustinere ergo etiam nunc audes in scriptiunculis illis posterioribus D. Melis praedictis in te & Patres Societatis, si Jesuita tu & Author es *Confutationis* fuisse elocutum, vel saltem te hoc asserende ne vel umbram eamumque temeritatis (ut i scribis) incurrisse.

Memor-ne es, mi Didace, quando hac à te scripta fuere? tum scilicet, cum ignotum tibi minime fuit, 1. non nisi unico Autore & ipsis accusationem hanc coram universo mundo te infirmuisse. 2. Cum scires, paratum esse utroque nostrum iurejurando affirmare, nunquam illud, aut ei aequivalens à D. Melis fuisse prolatum. 3. Cum scires D. du Bois oblato huic nostro iurejurando acquiescisse. 4. Cum scires falsum illud esse, quod fieri poterit plus aliqd à te fuisse intellectum, quam dictum à D. Melis; 5. Cum scires D. du Bois in Epistola ad D. Melia data scripsisse, quod cum D. Melis, graviter conquereretur de injuria sibi, disquisque Hollandia illata, idem ipse verba ejus se apprehendisset, *quasi sperantia minus expulsiōnis Patrum Societatis missione Hollandica, casu quo &c.* quod omnia hilitantis dubitantique, nequaquam testis irrefragabilis, omnique exceptione majori sunt indicia; 6. Cum scires illicitum esse, oculum proximi crimen divulgare, sub nunc praetertitis ejusque vacillantis, dubitantisque testimonio. 7. Cum ejus esses mentis (uti nobis significare nuper inscriptus tu voluisti) ut nullum occultum crimen manifestare ausis, nisi praè habita ipsius Re licentià, saltem interpretatà; denique cum scires hanc tibi licentià à D. Melis nequaquam esse concessam.

His omnibus interim nihil obstantibus in nuperis tuis difficultatibus pag. 51. loqui praesumias in hac verba: *an verba potius in propria causà credendum sit, quam A. D. Du Bois nihil ad me.*

Ita-nè, mi Didace, nihil ad te, quod accusationem atrocem in libello publico contra Sacerdotem fide ac moribus integrum, ex ore tuum, quem fateris habere te solum, divulgaveris?

Nihil-nè tuà interest, si forte istius tuus, qui iustus D. Melis querelas si intellexit, ut putaret esse verba quasi *spontanea minus expulsiōnis Patrum Societatis Jesu missione Hollandica*, male illas intellexit & tu hoc falsionis testimonio, temerariè interim hanc eorum D. Melis criminationem quaquaversum, veluti certam & indubitatam mundo obtrudere praesumpsi?

Nihil-nè tuà interest, quod videri velis, nullus crimen occultum prodere, licet habita prius Re licentià saltem interpretatà, & nihilominus Dominio Melis minus illas atroces (sic confictas) expulsiōnis Patrum Societatis e missione Hollandica, quas fere Oritis perfidia pates, & haereticorum perfidia peiores nuperus ille & filius S. Aug. discipulus debuccinavit, mundo venditare non erubuit? Verum de his forte latius tecum Dominus Melis, ubi coram legitimo & competente Iudice, quem te minime iustitias formidare vel sponte, vel forte invitus compareris.

Cave interim, ne eidealem illud tuum effugium de Lagenà à D. Du Bois nobis propinatà in tui defensionem eò deducas. Verba *veniat & soteriat*, mi Didace, locuti sumus. Nam ad me quod attinet, unum, illudque exiguum vici vitrum bibisse me scio, plura bibisse non scio; D. Melis duo aut ad summum tria à se sumpta recoit; atque adeo si verum est (uti pueriliter oggeris) Lagenam, quod non ame, sed post inchoatas D. Melis querelas iusta est offerri, fuisse exhaustam, necesse est potiorè longè partem Domino Du Bois cessisse, ac proinde ipsius potius, quam testimonium nostrum vacillare ex ea parte censei debet.

Ait, quid Lectorem nugis istis, fabulique confictis ultra hic distineo?

Finiam itaque, & circa tertium difficultatum tuarum, personas approbatorum Epistolae meae concernentium genus, aliud impræsentiarum non dicam, quam etiam illos habere, in qua, ubi innotueris, indicare queant, num aliquod peccantes tuæ adversus ipsos moris difficultates, responsum mereatur.

Hoc interim confido, neminem illorum fore, quin visà per brevi hac difficultatum te, & circa doctrinam meam obgettarum resolutione, libenter denuntiandum tibi curet, quod unum exipis significari per me tibi voluit, videlicet se rectè priorem meam Epistolam approbasse, eandem denudè se approbare, atque in finem quo approbaturum, donec aliter B. Sedes definitur. Vale, mi Didace, semper memor binis hujus sententiae apud S. Greg. : *Si credi fideliter confictis despicitur, sanctiorum in dubium Fides adducitur. L. 5. ep. 15. Veraciter confictis non credere, non est haerem purgare, sed facere. lb. ep. 16.*

Imprim. J. D. CUYTER L. C. 16 Jan. 1692.